

Celebracion Dia di Independencia Filipino

Diaranzon 12 di Juni awor

ORANJESTAD (AAN) - Manera tur e ultimo añanan, Diaranzon awor dia 12 di Juni, e comunidad Filipino akinan na Aruba lo festeha nān di 115 aña di Independencia. Nan ta masha orguyoso y hopi agradicido na e gobierno y tur otro autoridadnan di Aruba cu tur e añanan aki semper ta

reconoce y ta acompaña nan cu e celebracion aki.

E aña aki, nan tema lo ta: "A m b a g T u n g o s a Malawakang Kaunlaran" loke ta nifica na Papiamento - Tur hende mester yuda pa e bienestar y crecimiento di e país.

Manera semper nan lo cuminsa pa 10:00 am en

punto cu e parti protocolario na Princes Wilhelmina Park. Durante esaki lo tin varios invitadonan cu lo hiba palabra.

Despues di e parti protocolario lo tin un show cultural unda lo mustra algún baile di e tempo cu e Spañonan tabata ocupa nan país. Lo tin un "Baile di

Banki" cu ta un baile mucho mas dificil cu esun cu hopi di nos conoce caba, esun cu dos of cuatro bamboonan, esta "Tinikling of Singkil". E bailenan aki ta di e grupo di teenagers di Teatro ng Lahi bou di e dirección di Jenny de Gracia y Noel Paingason.

Tambe lo tin e coronacion di e tres reinanan 2013 di e

comunidad Filipino, esta Little Miss Philipinnes-Aruba, Isabelle Baluyot di 6 aña di edad, Miss Teen Philipinnes-Aruba, Kimberly Balcera di 14 aña di edad y Miss Philipinnes - Aruba, Gwen Magalona di 20 aña di edad. Y naturalmente lo tin oportunidad pa un brindis.

E aña aki, e Consulado lo



Little Ms. Phil-Aruba 2013

Isabelle Baluyot - 6 yrs

Date of Birth: Aug. 26, 2006

School: St. Aloysius School - Klas 1

Hobbies: sing & dance

Wants to become a doctor or model



Ms. Teen Phil-Aruba 2013

Kimberly Kates Balcera - 14 yrs

Date of Birth: Nov. 18, 1998

School: Colegio Arubano - Klas CB 2F

Hobbies: listening to music, playing piano

Wants to become a veterinarian



Ms. Phil-Aruba 2013

Gwen Magalona - 20 yrs

Date of Birth: March 27, 1993

School: just finished VWO & will study hospitality & tourism mngt.

Hobbies: music, beach, movies, shopping

honra e compañanan cu ta emplea Filipinonan cu ta traha den e sector di labor p i s a m a n e r a den construcción, den limpieza di cushinan na hotelnan, trabounan duro di man y hopi biaha den oranan di anochi y marduga.

Anochi lo tin e conocido

programa di nos festival di cuminda y baile Filipino. E aña aki esaki lo tuma lugar na Centro di Bario di Noord y lo cuminsa pa 7:00 pm. Manera semper lo tin varios platonan y cos di boca dushi na prijsnan razonabel. Cu otro palabra, un cushina y bar bon surti. Tambe lo tin un

"Whisky Tasting" di Dewar's 12 years. Esaki lo ta di 8:30 te cu 9:30 p.m. Lo tin cantamento, baile y mas durante e anochi aki.

Consul Honorario Sra. Ami O. Henriquez-Mendez kier invita tur su paisanonan y muy en especial Aruba en general pa acompaña nan

diananzon 12 di Juni pa 9:30 di mainta na Wilhelmina Park pa asina e parti protocolair por cuminsa exactamente 10:00 am. Y anochi na Centro di Bario Noord pa 7:00 pm.

Pa cualkier pregunta por comunica cu su persona na Bakval # 7 of na telefoon 586-5766 y 748-4955.

Alavez Sra. Henriquez-Mendez kier a gradici tur su paisanonan cu semper tey pa juda ora mester di nan y ta desea tur Filipino na Aruba un feliz dia di Independencia di Filipinas.

MABUHAY!!!!!!